

REGULA SANCTI BENEDICTI

ABBATIS CASSINENSIS.

(Vide tom. LXVI *hujus Patrologie*, col. 215.)**REGULA CONSENSORIA MONACHORUM.**(Vide *ibid.*, col. 993.)**REGULA INCERTI AUCTORIS.**(Vide *ibid.*, col. 995.)

SANCTORUM

PAULI ET STEPHANI

ABBATUM

REGULA AD MONACHOS.(Vide *ibid.*, col. 949.)**SANCTI CÆSARII**

ARELATENSIS EPISCOPI

REGULA AD MONACHOS.(Vide tom. LXVII *Patrologie*, col. 1097.)**SANCTI FRUCTUOSI**

BRACARENSIS EPISCOPI

REGULA MONACHORUM ET REGULA MONASTICA COMMUNIS.(Vide *Patrologie* tom. LXXXVII, col. 1097 et col. 1110.)**CUJUSDAM PATRIS REGULA AD MONACHOS.**(Vide *Patrologie* tom. LXVI, col. 987.)**REGULA MAGISTRI AD MONACHOS.**(Vide *Patrologie* tom. LXXXVIII, col. 943.)**GRIMLAICI PRESBYTERI
REGULA SOLITARIORUM.****OBSERVATIO CRITICA IN REGULAM SEQUENTEM.**

Per solitarios hic nominatos non intelligit auctor eremitas vel anachoretas, sed inclusos et sponte incarceratos monachos, qui ex diuturna monasterii probatione, ut loquitur sanctus Benedictus, ad singularem non

ereimi, sed angustæ cellæ pugnam descendant. De quibus inclusus ita scribit Petrus Venerabilis, lib. 1, epist. 20: « Obserata quidem est Janua, vel forte lapidibus obturata; sed per angustum fenestelle aditum recipit quidquid per ostii latitudinem admisit. » Adeoque pro talibus sponte incarceratis monachis scripta est hæc Regula, qui non in campestribus cellis aut in pagis, sed in subterraneis monasterii locis includebantur, perpetuos quasi carcera sponte et lubenti animo eligentes. Quod admirabile vitæ genus non cuilibet amplecti permisum est; quicunque enim talem inclusionem desiderabat, non solum ablatis et conventus licentiam obtinere debuit, sed post diuturnam probationem etiam episcopi facultas et potestas requirebatur, ejus auctoritate et sigillo ostium cellulæ occludebatur, ut omnis fallacie suspicione removerentur. Celebris erat hujus inclusionis ceremonia, prout hæc Regula prescribit, atque *inclusus* vestibus ad finem usque vitæ gestandis induitus angusta cellula ex omni parte muris septa obcludebatur, ut nec egredi, nec sacerulares ingredi valerent: fenestra quoque talis intus et foris obsignabatur, ut ipse nec videre aliquem, nec ab aliis videri potuerit. De talibus sponte incarceratis monachis scripsit doctum syntagma Matthæus Raderus S. J. sacerdos, et in sua Bavaria sancta exhibet quamdam brevem sed mancam Regulam pro illis sæculo duodecimo scriptam, quam proin huic operi inserere haud opere pretium esse luxum: nam hæc præsens Regula pro omni genere reclusorum fusissima est, in 69 capitula partita, plerumque ex Regula sancti Benedicti desumpta, qua sola tempore auctoris apud cœnobitas floruit, ex quibus hi *inclusi* desumebantur. Quod autem auctorem Regulæ attinet, vix aliquid certum determinari potest; cum duo Grimlaici hic nominentur: unus qui scripsit Regulam, alter cui et hæc dedicata est, et quidem uteque sacerdos. Resert quidem Mabillonius in Annalibus Benedictinis, ad annum 900, tempore Formosi papæ floruisse queindam presbyterum, nomine Grimlaicum, papæ familiarem et episcopatu dignissimum, qui an hanc Regulam scriperit, an vero illa eidem nuncupata fuerit, non determinavit vir doctissimus. Uticunque sit, auctor monachum se, et vitam solitariam egesse, satis indicat; et cum Aquisgranensem Regulam aliquando adducat, sic cum longe post annum 816 floruisse certum est, et forsitan in urbe Metensi vel in vicina aliqua abbatia solitariam vitam excoluit; cum sanctum Arnulphum episcopum metensem jam dudum defunctum præ reliquis piissimis prælatis summopere laudet. Nolo hic asserrere quod piissimus auctor eo consilio hanc Regulam considerit, ut aliquis monachorum ordo secundum illam viventem exoriretur; nunquam enim aliquam horum *inclusorum* congregationem alicubi floruisse legimus, quamvis reperimus plures sponte *incarceratos*, sed in diversis cœnobitis viventes. Sic Marianus Scotus in suo Chronico resert duos tales *inclusos*, nimirum S. Annunchadum Fulde inclusum, et admirandum illum S. Paternum, qui ob amorem talis vitæ solitariae permisit se vivum comburi, dum tota civitas Paderburna igne consumpta est. Et quamvis beatus ille chronographus, tum Fulde tum Moguntiæ, hanc spontaneam incarcerationem per plures annos amplexus sit, atque in pluribus monasteriis antiquis cellæ talium *inclusorum* adhuc supersint; tamen a pluribus seculis nullus hoc vitæ genus aribvit. Verum de reclusis feminis sactionalibus plura mox diceimus, cum Regulas sacris virginibus præscriptas observabimus.

IN NOMINE DEI SUMMI,

INCIPIT PROLOGUS REGULÆ SOLITARIORUM.

Dilectissimo Patri in Christo atque æquivoco meo A qui a semel ipso loquitur, gloriam propriam querit Grimalico venerabili sacerdoti perennem in Salvatore salutem.

Sæpen numero dum in auribus vestris omne quod mihi de meipso displiceret, exposui, suggestis mihi ut Regulam solitariorum, videlicet cœnobitarum, describerem, mibiique ipsi jugum servitutis imponerem. Ego autem hoc diu multumque renis sum agere, ne forte vires meas excederem, immo ne jaetantiae lapsus incurrerem; verens pariter ne ab aliquibus quasi nova condens præsumptuosus putarer, ac ne mihi illud antiquum obijiceretur proverbium: Quid necesse est in mari mittere pisces aut in flumine aquas? Sed cum post multos dies reminisci coeperim quod nunquam moris fuerit sanctis Patribus invicem provocare, invicem invidere, sed unumquemque in ordinanda domo Dei pro viribus suis obtulisse, malui imperio jussionis vestræ obtemperare quam voluntatem meam facere. Unde et ego mox injuncti me operis labori supposui, atque hinc inde orthodoxorum Patrum sententias exemplaque diversa decerpsi, et ex his hanc Regulam componere sategi. Eorumdem quippe nomina, quorum sententias ad hoc opus assumpsi, ob prolixitatem capitulorum vitandam, partim intus in serie, partim deforis in ipsis marginibus impressi. Et ne aliquis compilatorem vocitaret, hoc potissimum fieri curavi. Scio namque, Dominio pronuntiante, quia

(Joan. vii, 18). Mea quoque dicta licet sint exigua, tamen inter sanctorum flores eloquiorum solito nomine meo insprimere curavi. Qua de causa humiliter obsecro ut si cui hæc scribilis videntur, præsata sanctorum vocabula, sicuti nunc sunt adnotata, adnotare non omitat. Nostracismos denique et barbarismos, neconon et ipsos prepositionum casus in hoc opusculo servare contempsi: quia indignum vehementer fore censui, ut verba Christi vel sanctorum Patrum sub regula perstringerem Domini.

Hanc nimirum regulam de sanctorum floribus, quasi de magis fluminibus pelagique gurgitibus excerptam, in modicos rivulos, hoc est, in sexaginta novem capitula dividere curavi. Et primo omnium de abrenuntiatione sæculi, et de activa vita et contemplativa pauca collegi capitula. Deinde quomodo solitaria conversatio constare debeat, et de vita ac moribus solitariorum aliqua adnexui capitula. Inter hæc quidem de præceptis Redemptoris nostri tria tantum capitula inserui, quatenus solitarii in lege Domini die ac nocte meditantes, et ipsa Christi mandata sedulo ante oculos mentis simul et corporis revolventes, semper devotiones atque servitiores existant. Postea quoque ad activam vitam veniens, quid vel quantum de cibis et potibus, quidve de vestimentis aut lectualibus habere vel uti de-

beant, determinavi. Addidi etiam modum et tempus jejuniorum atque abstinentiarum. Subjunxi quoque locis congruis pauca de virtutibus et vitiis, et ut canticos facerem solitarios, quibus modis miracula operari soleant intimare curavi. Ad ultimum autem de perseverantia boni operis unum tantum capitulum posui.

In his ergo omnibus ubicunque aliquibus clausulis enucleandis necessitas existit, morem fluminis imitari studui. Fluvius quippe dum per alveum defluit, si valles concavas ex latere contingit, in eas protinus sui impetus cursum divertit; cumque illas sufficienter impleverit, repente se in alveum refundit. Ita nimurum ubicunque inter sacra sanctorum eloquia aliquam obscuritatem congruae ædificationis reperi, quasi ad vicinam vallem explanationis undam retorsi; et dum ipsam obscuritatis vallem sufficienter expositam perspexi, rursus ad sermonis propositi alveum recucurri. Sed non hoc meo sensu vel studio, sed sanctorum Patrum oraculis annuntiibus peregi.

Hoc sane, Pater venerande, tam vos qui ad istum opusculem peragendum me excitastis, quam omnes qui haec forte lecturi sunt, contestor et obsecro, ut quidquid in rebus istis quæ utcunque digeste sunt, reprehensionis invenerint, vitio meæ rusticitatis ascribant mihiique dignanter indulgeant: ea autem quæ secundum fidem catholicam dicta probaverint, Deo deputent, qui dat omnibus affluenter, et non impropperat. Ego quippe dum studii præceptum iubantis implere, etiam majora viribus meis presumpsi, suscipere; sed tamen ipsa obedientia valde mihi erat necessaria? Ilac quidem nactus occasione Regulam, quam non habebam, modo habeo. Cæterum de accuratione dictionis elucubrata non satago; quia quod a magistris negligendo non didici, id exhibere loquendo nequivi.

Id ipsum autem quod scripsi, non ingenio meo fatus, sed orationibus vestris auxiliantibus peregi. Solent namque medici ex multorum speciebus pigmentorum in salutem poscentis quoddam genus medicamenti componere, nec seipsos præsumunt fateri creatores herbarum vel aliarum specierum, sed ministros se esse in colligendo et conficiendo asserunt. Ita et ego, non auctor hujus operis, sed

A minister in colligendo exstiti. Ex quarum tamen compositione specierum salus efficitur ægrotantium. Sic etiam, sic forsitan mæcæ devotionis labor vestræ charitati, Domino opitulante, aliquid proficere valebit. Non enim, ut reor, tam sollicite mihi hanc Regulam scribere injungeretis, nisi eam diligenteretis, et nisi ad propositum vite solitariæ quandoque venire voluissetis. Sicut enim me piæ devotionis affectu exhortati estis ut eam scriberem, ita nunc vos humiliter deposeo ut eamdem scipiis diligenter legere studeatis; quatenus animus vester, quodammodo exterioribus molestiis fatigatus, ad seipsum redeat, et quo maxime festinare debeat, intelligat. Quid ergo in hac vita laboriosius quam terrenis desideriis æstuare? Aut quid securius quam de hujus sæculi vanitate nil appetere? Qui enim hunc mundum diligunt, turbulentis ejus curis et sollicitudinibus turbantur. Qui autem ab eo recedunt, et solitariam vitam expetunt, futuræ pacis requiem, quam illuc exspectant, hic iam quodammodo habere inchoant.

B Quapropter quæso tam vos quam omnes Deum diligentes, ut nemo hanc Regulam spernat, neque ab hac instructione pavore perterritus refugiat, quia via salutis non aliter nisi angusto initio est incipienda. Unde Dominus ait: *Contendite intrare per angustam portam* (*Matth. vii, 13*). Et iterum: *Arcta et angusta via est, quæ dicit ad vitam; lata et spatiosa, quæ dicit ad mortem* (*Ibid.*). Nihil ergo in hac constitutione asperum, vel onerosum, nihil grave spero me scripsisse; sed si quid paululum restriktius, dictante æquitatis ratione in ea institui, hoc propter emendationem vitorum et conservationem virtutum feci. Quisquis igitur hanc Regulam bono animo et plena devotione voluerit observare, in præsenti adhuc sæculo positus, ad virtutum culmina, Deo favente, poterit scandere; et post hujus vite terminum, cum sanctis et electis Dei in cœlesti regno gaudere, et cum ipso Domino et angelis ejus in perpetuum feliciter poterit vivere; et non solum vivere, sed etiam conregnare. Cunctipotens Deus animum vestrum ad hanc institutionis observantiam festinanter adducat, et per eamdem observantiam ad regna cœlestia perducat. Amen.

C *Explicit prologus.*

INCIPIT TEXTUS REGULÆ.

CAPUT PRIMUM.

De generibus solitiorum.

Primum igitur indagare oportet cur monachus, vel cur solitarius vocatur, et sic demum, auxiliante divina clementia, ad cætera exponenda rite transeamus. Monachus enim Græca etymologia vocatur, eo quod sit singularis. Monas enim Græce, Latine singularitas dicitur. Ergo solitarius interpretatur vocabulum monachi. Idcirco enim sive dicatur monachus sive solitarius, unum atque idem est. Sed

D jam videamus quot sunt genera solitiorum. Duo sunt namque genera solitiorum; unum anachoretarum, id est, eremitarum; alterum vero cœnobitarum, hoc est, monasteriale. Hæc autem amborum genera non conversionis fervore novitio debent institui, sed diurna monasterii exercitatione prius debent probari, quatenus probati ad perfectionis culmen, Domino miserante, condescendere valeant. Præterea quoque sæpe dubitatum est a multis, a quo potissimum monachorum eremus cepta sit ha-